



LAPORAN LIPUTAN MEDIA

SELASA / 17 OKTOBER 2023

- 1. BAKAL JADI NEGERI ‘JELAPANG PADI’ BARU – HARIAN METRO**
- 2. RM 30 JUTA SUDAH DISALUR KEPADA PESAWAH – HARIAN METRO**
- 3. BELIAN PADI RM 1,500 PER TAN MUNASABAH – KOSMO**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : HARIAN METRO
TARIKH : 17 OKTOBER 2023
PERKARA : ISU SEMASA

Bakal jadi negeri 'jelapang padi' baru

Sabah, Sarawak ada kawasan berpotensi jadi kawasan sekuriti makanan

Oleh Mahaizura
Abd Malik
mahaizura@mediaprima.com.my

Kuala Lumpur

* Kerajaan mengenal pasti 4,839 hektar tanah berpotensi di Sabah dan Sarawak untuk membangunkan projek sawah padi bagi menjamin sekuriti makanan.

Timbalan Perdana Menteri Datuk Seri Dr Ahmad Zahid Hamidi berkata, beliau mengadakan perundingan bersama Ketua Menteri Sabah dan Premier Sarawak bertujuan merealisasikan usaha menjamin keselamatan makanan negara dan meningkatkan Tahap Sara Diri (SSL) beras Negara.

Katanya, kedua-dua negeri itu memberikan maklum balas yang amat positif terhadap cadangan berkenaan.

"Beberapa siri perbincangan juga diadakan bersama Jawatankuasa Teknikal di kedua-dua wilayah.

"Sehingga kini, jumlah



FELCRA diamanahkan untuk bangun estet padi berskala besar di Sabah dan Sarawak.

keluasan kawasan berpotensi yang sesuai untuk pembangunan estet padi adalah seluas 4,839 hektar.

"Sebanyak 2,159 hektar di Sabah (yang bertumpu di Daerah Beluran dan Kota Belud) dan 2,680 hektar di Sarawak (yang bertumpu di Daerah Batang Lutar)," katanya di Dewan Rakyat semalam.

Beliau menjawab soalan dikemukakan Mohd Arafie

Apdal (Warisan-Semporna) mengenai lokasi terperinci lokasi dan peruntukan bagi projek penanaman padi di kawasan seluas 50,000 hektar di Sabah dan Sarawak.

Menteri Kemajuan Desa dan Wilayah itu berkata, FELCRA Berhad diperintah tanggungjawabkan untuk membangunkan sawah padi berskala besar di Sabah dan Sarawak seperti

mana projek dilaksanakan di Seberang Perak.

"FELCRA telah memaju-kan seluas lebih daripada 4,500 hektar tanaman padi di Seberang Perak yang telah menghasilkan purata produktiviti sebanyak lima metrik tan sehektar semusim atau 22,500 metrik tan semusim."

"Ini bermakna, penge-luaran tahunan padi di Seberang Perak adalah 45,000 metrik tan setahun."

"Estet padi Seberang Pe-rak telah dapat memberi-kan manfaat kepada 1,035 peserta," katanya.

**“
2,680 hektar
di Sarawak (yang
bertumpu di
Daerah Batang
Lutar)
Zahid”**

KERATAN AKHBAR : HARIAN METRO
TARIKH : 17 OKTOBER 2023
PERKARA : ISU SEMASA

RM30 juta sudah disalur kepada pesawah

Kuala Lumpur: Sebanyak RM30 juta daripada keseleuruhan RM60 juta peruntukan bantuan khas daripada Padiberas Nasional Bhd (Bernas) sudah disalurkan Kementerian Pertanian dan Keterjaminan Makanan kepada pesawah yang layak.

Timbalan Menteri berkenaan Chan Foong Hin berkata, sumbangan sebanyak

RM250 kepada pesawah yang layak itu telah dilakukan secara berperingkat dengan penyaluran pertama adalah berjumlah RM10 juta manakala kedua berjumlah RM20 juta.

"Penyaluran pertama dilakukan kepada tiga negeri di pantai timur iaitu Kelantan, Terengganu dan Pahang, manakala penyaluran kedua sebanyak

RM20 juta adalah kepada pesawah di Kedah, Perlis, Pulau Pinang, Selangor dan Negeri Sembilan.

"Penyaluran bantuan bagi pesawah di Perak dan negeri-negeri lain akan dilaksanakan pada peringkat yang seterusnya," katanya pada sesi soal jawab di Dewan Rakyat di sini, semalam.

Beliau berkata demikti-

an menjawab soalan Mohd Misbahul Munir Madsuki (PN-Parit Buntar) yang ingin tahu masalah yang menyebabkan petani di Perak belum mendapat sumbangan RM250 daripada Tan Sri Syed Mokhtar Al-Bukhari sedangkan sumbangan tersebut sudahpun disalurkan kepada kerajaan. - Bernama

KERATAN AKHBAR : KOSMO
TARIKH : 17 OKTOBER 2023
PERKARA : ISU SEMASA

Kenaikan RM100 tidak mampu tanggung kos tinggi

Belian padi RM1,500 per tan munasabah

Oleh JAMLIAH ABDULLAH

+ ALOR SETAR – Badan Bertindak Petani Lembaga Kemajuan Pertanian Muda (MADA) menyifatkan belian padi pada harga RM1,300 per tan tidak cukup untuk menampung kos input yang semakin meningkat ketika ini.

Pengerusinya, Che Ani Mat Zain berkata, sehubungan itu, pihaknya berharap kerajaan menaikkan harga siling beras daripada RM2.60 kepada RM3.50 sekilogram (kg) bagi membantu petani menerima harga jualan padi yang lebih munasabah.

"Di pihak pesawah kita rasa sedikit kecewa, kita menjangkakan harga belian padi naik RM1,400 atau RM1,500 per tan.

"Bagaimanapun jangkaan kami meleset apabila harga be-

lian hanya naik RM100, ia tidak mencukupi untuk mengurangkan kos input tinggi," katanya.

Dalam Belanjawan 2024, Perdana Menteri, Datuk Seri Anwar Ibrahim mengumumkan harga lantai belian padi dinaikkan dari pada RM1,200 kepada RM1,300 per tan.

Che Ani berkata, harga lantai sebanyak RM1,300 masih jauh daripada RM1,700 per tan yang dibayar oleh pengilang padi sebelum tiba-tiba menurunkan harga kepada RM1,250 baru-baru ini.

Beliau menjelaskan, harga siling beras RM2.60 sekilogram adalah terendah di Asia Tenggara serta tidak lagi relevan kerana kos input meningkat beberapa kali ganda sejak sedekad lalu.

"Malah di Vietnam, Thailand dan Laos yang merupakan

pengeluar utama beras di rantau ini, beras putih dijual masing-masing pada harga RM3.60, RM3.50 dan RM5.70 sekilogram, tetapi kita masih menjual pada harga RM2.60 sekilogram.

"Harga itu perlu dikaji semula untuk menggambarkan kos pengeluaran semasa dan risiko yang perlu ditanggung apabila tanaman rosak," katanya.

Seorang petani, Muhammad Aeffandi Aziz, 40, berkata, kos mengerjakan sawah ketika ini meningkat antara RM10 hingga RM20 setiap relung termasuk upah mesin padi dan traktor.

"Apabila belian padi naik RM1,700, pengusaha mesin padi dan traktor mula naikkan upah sewa, namun apabila harga belian turun, takkan mereka akan turunkan semula?" soalnya.



BELIAN padi yang naik RM100 kepada RM1,300 disifatkan sedikit serta belum cukup untuk menampung kos input tinggi bagi mengusahakan tanaman berkenaan. – GAMBAR HIASAN